

PRO SOS PIPIOS COLORO E IMPARO

Colora:

3 fozas colore de castanza

2 fozas grogas

1 foza birde

1 foza ruja



Comunu de Bidoniu
Provintzia de Aristanis

Sa redatzione de *Novas bidoniesas* est
contivigiada dae su Servitziu linguisticu sardu
de su Comunu de Bidoniu
(operadora Marinella Marras
Sotziedade Cooperativa L'ALTRA CULTURA)

S'isportellu linguisticu est a disponimentu de
tzitadinos, maistros de iscola, professores,
istudiantes pro cale si siat informatzione, duda,
bibliografia, sitografia in contu de sa limba sarda,
pro consulènzias didàticas e pro cussigios chi
pertocant sas regulas de iscritura de su sardu.

S'Ufitziu aberit:

Su **lunis** in custu oràriu **09.00 – 13.00**
In **Munitzipiu**

l'altra cultura

Sotziedadi Cooperativa - Aristanis

Isportellu Linguisticu Subracomunale
Lege 482/99 - Annualidade 2012



Comunu de Bidoniu
Provintzia de Aristanis



Novas bidoniesas

Newsletter periòdica de informatzione
de su Comunu de Bidoniu

www.comune.bidoni.or.it

2017 (4)

Contributos pro su diritu a s'istùdiu

BURSA DE ISTUDIU - A.S. 2016/2017 (L.R. 5/2015)

BONU LIBROS - A.S. 2017/2018 (ART. 27 L.448/1998)

Su Comune avisat ca sunt istados ativados custos interventos pro su diritu a s'istùdiu:

1. Bursa de istùdiu (a. s. 2016/2017)

Pro sos istudiantes de sas iscolas primàrias e secundàrias de primu e segundu gradu, de familias chi presentant un'indicadore de sa situatzione econòmica ecuivalente (de como a in antis I.S.E.E.) in cursu de valididade, cunforma a su D.P.C.M. n° 159/2013, inferiore o uguale a € 14.650,00.

2. Bonu libros (a. s. 2017/2018)

Pro sos istudiantes de sas iscolas secundàrias de primu e segundu gradu, de familias chi presentant un'I.S.E.E. in cursu de valididade, cunforma a su D.P.C.M. n° 159/2013, inferiore o uguale a € 14.650,00.

MODALIDADE PRO PRESENTARE SA DOMANDA

Podent presentare sa domanda a su Comune de sa residèntzia pròpia (Ufìtziu: Servìtzios Sotziales): sos genitore, su rapresentante legale de s'istudiante o su matessi istudiante si est

magiorene, compilende s'apòsitu mòdulu e alleghende custa documentatzione:

1. fotocòpia de s'atestatzione de s'ISEE in cursu de valididade dada cunforma a sa normativa previdida dae su DPCM n.159/2013;
2. fotocòpia de su documentu de reconnoschimentu, no iscadidu, de chie presentat sa domanda;
3. ebbia pro su **Bonu libros** sa declaratzione sostitutiva de s'atu de notoriedade pro sas ispesas fatas a beru pro comporare sos libros de iscola impreados in s'iscola pròpia (de paperi o digitales) paris a sa documentatzione chi atestat s'ispeza (iscontrinos, retzidas, fatturas).

SAS DOMANDAS DEPENT ARRIBARE INTRO DE SU 19/01/2018

MODULÌSTICA E INFORMATZIONES

Sa modulìstica de impreare est a disponimentu in su situ de sa Regione Sardigna: www.regione.sardegna.it, in su situ de su Comune: www.comune.bidoni.or.it e in s'Ufìtziu de su Servìtziu sotziale.

Pro informatziones:

Ufìtziu Servìtziu Sotziale

Su lunis e sa chenàbura 11,00 - 13,00.

Telèfono: 0783/69044

Posta eletrònica:

assistente.sociale@comune.bidoni.or.it



Progetos personalizados

Su Comune avisat ca si podent presentare sas demandas pro s'aprontadura de sos progetos personalizados in favore de sas persones chi tenent sa tzertificatzione cunforma a sa lege 104/92 art. 3, comma 3, a su 31/12/2017.

Sas informatziones si podent pedire a s'ufìtziu de su Servìtziu sotziale comunale su lunis e sa chenàbura, in custu oràriu 11.00 – 13.00.

S'iscadèntzia pro presentare sas demandas est su **28 de freàrgiu 2018.**

Paris cun sa domanda si depent presentare:

- sa tzertificatzione ISEE 2018,
- s'ischeda de sa salute,
- s'ischeda sotziale,
- sa declaratzione sostitutiva de tzertificatzione chi pertocat sas retributziones chi su beneficiariu de su progetu at tentu in s'annu 2017,
- sa fotocòpia de su documentu de identidade e de su còditze fiscale de su destinatariu de su progetu e de chie presentat sa domanda,
- sa fotocòpia de sa tzertificatzione de sa cundizione de disabilitade, tenta a intro e non prus a tardu de su 31 de nadale 2017, cunforma a s'artìculu 3, comma 3 de sa lege 104/1992.

In su situ istituzionale de su Comune ddu est s'avisu cumpletu e sos mòdulos.